

ادبیات عمومی و سیاسی

هفته‌لق سیاسی ، ادبی و علمی غزته‌در

جلد : ۱

سنه : ۱ ۶ صفر ۱۳۳۵ جمعه ایرتبی ۱۹ تشرین‌ثانی ۱۳۳۲ نومرو ۵

سیاسیات

مبهم بر دولت

۱

له استقلال ، اون دوقوزنجی عصرک یوزلرجه قیامت‌ملیه‌سنه رغماً ، آوروپالی اولدقلری‌حاله
حالا آوروپا حقوق عمومی‌سندن استفاده ایده‌مین اورتا و کوچوک ملت‌لردن مرکب زنجیر اسرانی
برنجی حلقه‌سنی قیردی : بوزنجیرک قسم اعظمی چارک حدود مظالم‌نده ایدی ؛ اونلر ، ظاهراً
برر ملت ، و حقیقت‌ده ایسه تاریخک کیزل‌دیکی برر حکومتدی ! قوانین غریبه‌سی ادراک بشردن
برآز و بلکه ایجه یوکسک اولان مقدراتک بعضاً او یله تجلیاتی واردرکه حس ایدیلیر ، فقط
آکلاشیلماز : بوراده موضوع اولاجق حکومت‌ده تاریخک او یله بر تجلیسیدر ؛ حکمت وجودی
اولمایان و یا موقت اولان غیر طبیعی بعض دولتره مقابل ، اسارتی ادراک صیغمایان بر طاقم ملت‌لر
وار : بوکون مبهم اولان یارینکی حکومتلر ایشه اونلردر ؛ برقاچ دانه‌سی چارک پک غلط سیاست
اولان ملک‌نده اولدیغندن ، روسیه‌نک استقبالی شیمدی‌یه قدر برچوق مؤرخلر ایچون مه‌لکدی :
چونکه اونلر ، برره برره ، پومپه‌ییانک کوللر آلتندن ظهوری‌کبی ، کونک برنده اسارت آلتندن
قالقاجقلردی . لهستان استقلال بو نظریه‌نک تأییدینه دوغرو برنجی آدیم اولدی ، ایکنجی‌سنک
فینلان‌دیا اولمایاجغنی هانکی موسقوف تأمین ایده‌بیلیر ؟...

پارس معاهده‌سنده ، آوروپا حکومتلری ، آوروپا حقوق بین‌الدولندن استفاده‌مزی تصدیق
ایله بزه اونوتولماز بریالان سویل‌لرلردی : چونکه ، اولانیم آسیالیلر دکل ، دوغروندن دوغرویه
آوروپالی اولان ملت‌لر بیله استفاده ایتمه‌مشلر و ایده‌میورلردی ؛ وینه چونکه ، لزوم‌سز دولتلردن
زیاده اسارت‌ده ملت‌لر واردی و حالا وار !
بوراده ، او زمره‌یه منسوب اولان فینلان‌دیانک برآز وظائف تاریخیه‌سندن ، برآزده حال

اندرون هایونده

باش لالا قله سی . باش لالاق

باش لالا قله سی ، اندرون هایونده لاله باغچه سنک شرقنده صفه قصر هایونی - مصطفی باشا کوشکی - قربنده سرائیک اوچنجی و بشنجی یری نامیله یاد ایدیلان ساحه لرینه نظارتی اولان محله ده الحاله هذه موجوددر .

جنتمکان فاتح سلطان محمد خان حضرتلری عهد هایونلرنده انشا ایدلشدر .
داخلاً طول و عرضی ۴ متر و سکسان اوجر سانتیمدر . دیوارلری ۱ متر و یتش سکزر سانتیم مخنددهدر . بو قالینلقده بر دیواره انجق قدیم تر صد قله لرنده تصادف اولنه بیلور قله نك ارتفاعی اوچنجی یری زمیندن ۱۰ متر و ۲۰ سانتیمدر و لاله باغچه سی طرفدن ۶ متر و ۷۰ سانتیمدر .
درت جبهه نك اوچنده برر پنجره و برنده قاپو وارددر . ساچاگی اطرافى متعدد کوچک قطعه ده کار قدیم پنجره لرله مزیندر الیوم سقفی دوز بر چاتی ایسه ده طرز انشاسنه و امثالنه نظراً سقفك وقتیه شکل مخروطی ده و ارتفاعی دهها زیاده اولمق لازم کلیور .

شهید سعید سلطان سلیم خان ثالث حضرتلرینك وقعه دلسوزینك جریانى ائناسنده باش لالاق مقامنده بولنان اندرونی طیارافندی سلطان مشارالیه حضرتلرینه سوء قصدده بولمق اوزره حرمرای هایون طرفنه سباغانه برطور ایله هجوم ایدن خونه نك حرکاتی باش لالا قله سی پنجره سندن کوروب منعه چالیشمس و وقعه دن سلطان سلیم طرفدارلرینی خبردار ایتشدر .

اندرون هایونده باش لالاق مأموریتنی احراز ایدنلر بوقله ده اقامت ایدرلر ایدی .
بومأموریت قدمه رعایتیه حاجت کورلیه رك طرف شاهانه دن خاص اوطة رجالنك [۱] ازباب لیاقتنه احاله اولنور ایدی .

اندرون هایونده باش لالاق قهوه جی ، تفنکجی ، صارقجی ، مؤذن باشیلقر کی مناصب معتبره دن ایدی .

رئیس الاطبا = حکیم باشی بولالاق مأموریتنه مربوطدر . رئیس الاطبا سرای هایونه ورودنده بو قله ده آرام ایدر ایدی .

قله ده کی کبیر دولابده انواع اجزا وادویه بولنور ایدی . عندالایجاب نفس هایون و خاندان سلطنت ایچون رئیس الاطبا رفاقتنده بولنان اجزاجیه تعلیم و تعریف ایتدیکی اجزا بوراده و باش لالانك اندرونی قوللقجیسی و زلفلی بالطه جیدی برلکده اولدقلری حالده ترتیب و سحق و طبخ و تقطیر و شیشه و کاسه و حقه کی ایجاب ایدن ظرفه وضع اولندقدن و اوزری حکیم باشی ایله باش لالا طرفلرندن تمهیر ایدلکدن صکره تقدیم ایدیلور ایدی .

سرای هایونك داخل = اندرون . خارج = بیرون ، نده بری خسته لنورسه ترتیبی ایله استعمالی طبیبك تعریفنه محتاج اولمیان وکیلار قغوشنده کی اجزا دولابنده بولنمیان اجزا درحال بو باش لالادن طلب اولنور و آنك امریه قوللقجیسندن آلنور ایدی .

کرك باش لالا قله سنده کی اجزاخانه کرك کیلار قغوشی نوبتجی باشیسی نرذنده کی اجزاخانه حالنده بولنان دولاب فاتح حضرتلری طرفندن تأسیس بیورلشدر .

نفس هایون حضرت پادشاهی ایچون احضار اولنوب رکابلرده «حضور هایونه قبول کونلری» قهوه جی باشی معرفتیه صدر اعظم و شیخ الاسلام و وزرا و سائریه قهوه دن اول اکراماً و یریلان

[۱] خاص اوطة رجالی قرق نفردر الیوم تشکیلات سابقه لری وجه ایله موجوددر .

نفیس معجون ایله قرص و تنسخ [۲] کبی رواج طیبه دخی بو قلهده ترکیب و تخمیر و اراده هایون وقوعنده تقدیم اولنور ایدی .

بومأموریتک احداثندن جنتمکان سلطان محمود خان ثانی حضرتلرینک عهد اوللرینه قدرائشای تناول طعامده باش لالارک حضور هایونده بولملری قاعدهدن ایکن سرای جدید شعبهسندن اولان طوپقو ساحلسرائی هایونه نقل ورغبت بیوردقدن صکره بو اصول متروک قالمشدر .

(طوپقو ساحلسرائی هایونیسرای برونک بوغاز ایچنه ناظر بر نقطهسنده ولب دریاده انشا اولمش ایدی ابتدا بوراده بر ساحلسرائی انشاسنی سلطان احمد خان ثالث حضرتلری تصمیم وانشاسنه بدأ بیورمشلر سده سلطان محمود خان اول حضرتلرینک جلوسلرنده وقت و حال ایجابی اولهرق بو تشبث ترک اولمشدر . جلوس حضرت سلطان عبدالحمیدخان اولده انشا آته تکرار مباشرت اولمش ودور سلطان سلیم خان ثالث حضرتلریله عهد عالی حضرت سلطان محمود خان ثانیده توسیعات وعلاوات ایله انشا آت اکمال ایدلش و ۱۲۷۹ ده قضاء محرق اولمشدر .)

باش لالای مأموریتی معیننده اندرونلیردن ایکنجی قوللقجی زلفیلردن بر بالطه جی وصفه اوجاغنده بر صفه لی وبوستانجیلردن یدجی وحلواخانهدن کلاهی بولمق اصولدن ایدی .

باش لالا قلهسنگ سرای برونه ناظر جبههسنگ زمین قسمنده و اوچنجی یری دنیلان محله جنتمکان سلطان مراد خان رابع حضرتلرینک آرام بیورمش اولدقلری یکپاره صرمردن مصنوع بر کرسی واردر .

خاقان مشار الیه حضرتلری اندرونلیرک اوچنجی یرنده جرید وسلحشورلغه متعلق تعلیملرینی وطوماق اویونلرینی بوکرسی ده قاعد اولدقلری حالدۀ تماشا ایدرلر ایدی .

کرسی نک آرقهسنده کی دیواره وضع اولنان صرمر لوحهده تاریخی مهم بر کتابه محکوکدر . عیناً نقل اولندی .

پادشاه بحر وبر سلطان مراد کامران . در کهنده بندهدر جمله سلاطین جهان کم اودر جم بزم و رسم رزم غازی اهل دل . عون حقله شرق وغربه حالیا صاحب قران هجرتک بیک قرق الیسندهدر ماه صیام . اسب تازییه سوار اولوب شه عالی نشان هم مبارک دستنه بر میشه لو بودو الوپ . آت سوروب بو طاشدن اول طاشه وارنجه بیکمان یتیه شوله زک ایتدیکه اول میشه لو بود . سعد وقاص اوقی کبی غیب اولوب نیچه زمان جست وجو ایدوب آریوب بولدیلر هم اولچدیلر . کلدی یوز اون بش زراع بنا حسابجه عیان هم بو طاشدن دخی بر کوچوک جردزک ایلوب . قارتو دیواری آشوب چشیرلکی آشدی هان نیته کم دور ایله جرخ فلکده مهرومه . نیته کم ثابت اوله هفت سماده اختران دولتیله سلطنت تختده اولسون بر قرار . پادشاه بحر وبر سلطان مراد کامران کچن سنه طوپقو سرای هایونی تعمیرات عمومیه سی اجرا قلندی صرهده بو باش لالاقله سی ده تعمیر ایدلش وخزینۀ هایونک انبار قسمنده بر صندوق دروننده محفوظ بولنوب حکیم باشیلغه وقله یه عائدیتی صندوقه موضوع ورقهده کوستریلان طبایته عائد کتابلرله قوانوزلر ایچنده اجزا ونسخ ایچون طغرای و یازیلی پرنجیدن صنعتکارانه ایشلمش قالبیلر واجزاجی هوانلری وسائر اشیا کافی السابق دولاب وحجره لره وضع ایله حکیم باشیلغه عائد آثار سابقه احیا ایدلشد .

سالف الذکر قله یه دوام ایتمش حکیم باشیلردن اشتہاد ایدنلر آتیده اسملری یازیلان ذوات کرامدره

اسملری

عصری

قطب الدین	— فاتح سلطان محمد خان ثانی حضرتلری
ملاحکیم محمد	— سلطان بایزید خان ثانی حضرتلری
اخى چلبى = محمود بن کمال	— سلطان بایزید و سلیم و سلیمان خان حضراتی
حکیم سنان الدین یوسف	— قانونی سلطان سلیمان خان حضرتلری
قیسونو زاده بدرالدین	— قانونی و سلطان سلیم خان ثانی حضراتی
احمد چلبی	— سلطان سلیم خان ثانی حضرتلری
تدائی	— » » »
غرس الدین زاده شمس الدین	— » » »
سنان چلبی	— سلطان محمد خان ثالث حضرتلری
قیسونی زاده محمد افندی	— سلطان احمد خان اول حضرتلری
عیسی افندی	— سلطان مراد خان رابع حضرتلری
زین العابدین چلبی	— » » »
سید محمد علی افندی	— » » »
صالح افندی بن خیراه	— سلطان محمد خان رابع حضرتلری
حیاتی زاده مصطفی فیضی افندی	— » » »
محمد افندی	— سلطان احمد خان ثالث حضرتلری
نوح افندی بن عبدالمنان	— » » »
عمر افندی بن سنان	— » » »
حیاتی زاده محمد امین افندی	— سلطان محمود خان اول حضرتلری
حکیم علی افندی	— » » »
خیراه افندی	— » » »
محمد سعید افندی	— سلطان مصطفی خان ثالث حضرتلری
کاتب زاده محمد رفیع افندی	— » » »
کورک زاده حسن افندی	— سلطان عبدالحمید خان اول حضرتلری
عبدالعزیز افندی	— » » »
لوحی زاده محمد رضا افندی	— » » »
طوغچی زاده احمد افندی	— سلطان مصطفی خان رابع حضرتلری
محمد صادق افندی	— سلطان سلیم خان ثالث حضرتلری
نعمان افندی زاده مصطفی مسعود افندی	— » » »
بهجت افندی	— سلطان سلیم خان ثالث و سلطان محمد خان ثانی حضراتی
بندرکلی زاده مصطلاح سعید افندی	— سلطان محمود خان ثانی حضرتلری
عبدالحق افندی = عبدالحق ملا	— سلطان محمود خان و سلطان عبدالحمید خان حضراتی

محمد رفیق